



Province of the
EASTERN CAPE
EDUCATION

**NATIONAL
SENIOR CERTIFICATE**

KEREITI YA 12

LOETSE 2015

**SESOTHO PUO YA LAPENG – PAMPIRI YA 3
MEMORANTAMO**

MATSHWAO: 100

Memorantamo ena e na le maqephe a 11.

KAROLO YA A: MOQOQO

POTSO YA 1

1.1 Tjhe! Batho ba hlahafetse. Moqoqo o hhalosang.

- Moqoqo ona o hhalosa diketsahalo tsa boiqapelo tse kgolwehang.
- Mohlahlobuwa a ngole ditaba tsa hae jwalo ka ha a di tsota.
- Dikahare tse lebelletsweng ke tse kenyelletsang tse latelang:
 - a ipopele maemo a ditaba a hhalosang mofuta ofe kapa ofe wa bohlaha bo seng bo le teng mehleng ena.
 - a ka bua ka tlhekefetso ya basadi, banana esita le bashanyana ya motabo kapa ya maikutlo.
 - a ka bua ka dipolayano tse atileng pakeng tsa baratani le banyalani.
 - a ka bua ka mokgoba a sebedisetswang ho rekisa dithethefatsi, le ho hweba ka mmele.
 - a ka bua ka ho utsuwa ha bana kapa ho retlwa ha batho bakeng sa methokgo.

[50]

1.2 Motsheha lefuma o a ipiletsa. Moqoqo wa phetelo.

- Moqoqong ona mohlahlobuwa o pheta ho hong ho dumella mmadi ho itemohela sehlooho se hhaloswang ka tsela e hlakileng.
- Dikahare tse lebelletsweng e ka ba tse latelang:
 - mohlahlobuwa a ka phetha pale eo ho yona ho hlahellang motho ya inahanelang hore o betere ka ho tsheha motho ya seng maemong a matle.
 - pale e bontshe phetoho ha motho ya neng a tshehwa a atleha, mme motshehi a sulafallwa, a hlahelwa ke bomadimabe.
 - mohlahlobuwa a hlakise ditlamorao tsa ho tsheha bakeng sa ho eletsa.
 - a ka pheta pale eo a e phetetsweng, eo a e shebelletseng, a e badileng kapa eo a e mametseng.

[50]

1.3 Basadi le bona ba ka nka boetapele. Moqoqo wa boimamelo/o tebisang maikutlo.

- Ke moqoqo wa boimamelo kapa oo ho ona mongodi a hlahisang maikutlo a hae hodima sehlooho, a se nahansisa ka botebo.
- Mongodi o nahana ka nthha e itseng e be o fana ka maikutlo le mehopolo eo e leng ya hae.
- Dikahare tse lebelletsweng e ka ba tsena tse latelang:
 - Karolo e nkuweng ke basadi boitsekong ba kgatello le kgethollo ya mmala, basadi ba jwalo ka bo Lillian Ngoyi ba ho Iwanelo dipasa
 - Ba ka bua ka baetapele ba basadi bao ba ba tsebang, ba jwalo ka Nkosazana Dlamini Zuma (boemeding ba matjhaba), Thuli Madonsela (mmuelli wa setjhaba) jj
 - Ba fane ka diphetoho tse ka tliswang ke boetapele ba basadi maphelong, thutong, tumelong, dipolotiking, le ditshebeletsong tsohle tsa setjhaba.

[50]

1.4 Ho rutwa dithuto tsohle ka puo ya lapeng ho tjhorisa kelello, mme ho nyolla le boleng (maemo) ba thuto. Moqoqo wa kgang.

- Moqoqo ona ke wa kgang/ngangisano
- Mohlahlobuwa o kgetha lehlakore, mme o tsepama dintlheng tse dumellanang kapa tse hanyetsanang le sehlooho.
- O hlahisa maikutlo le ntlhakemo ya hae.
- Ntlhakemo ya mohlahlobuwa e lokela ho hlaka ka dinako tsohle.
- Disebediswa tsa bonono tse fapaneng le mawa a tshusumetso di lokela ho sebediswa.
- Dikahare tse lebelletsweng e ka ba tse latelang:
 - bohlokwa ba puo ya lapeng jk Sesotho.
 - boitshepo bo bakwang ke ho tswelella dithutong.
 - ho pasa ka bokgabane ho bula dikgoro tsa ho itlhophisetsa lekala la mosebetsi.

Ba tshehetsang ho rutwa ka dipuo tsa bona ba ka hlahisa dintlha tse latelang:

- puo ya lapeng e fana ka boitshepo hoba moithuti o e bua ka nako tsohle
- dithuto di na le diphephetso tsa tsona,e be le sekgowa se eketsa boima
- ho ka ba bobebe ho araba dipotso tse telele tsa dithuto ka puo ya lapeng.

Ba nyatsang ho rutwa ka dipuo tsa bona ba ka hlahisa dintlha tse latelang:

- dithuto di ka thefuleha boleng ha di rutwa le ho hhaloswa ka dipuo tsa setho
- baqapi le bangodi ba dibuka tsa dithuto ba ngotse ka sekgowa, ho toloka ho ritsisa moelelo
- ho ka hlokeha matitjhere a mangata ho feta bakeng sa thuto e le nngwe hoba dipuo di ngata
- baithuti ba Aforika Borwa ba ke ke ba fumana mesebetsi mafatsheng a mang

[50]

1.5 Lefu la ntate Mandela le ferekantse naha ya Afrika Borwa empa ka lehlakoreng le leng ho bonahala a siile motheo o tsitsitseng. Moqoqo o sa tshehetseng lehlakore.

- Mofuteng ona wa moqoqo mohlahlobuwa o sekaseka sehlooho, ebe o nehelana ka dintlha tse tshehetsang le tse hanyetsanang le sehlooho.
- Moqoqo ona ha o nke lehlakore, mme o nehelana ka maikutlo mahlakoreng ka bobedi a sehlooho.
- Dikahare tse lebelletsweng di ka kenyelletsa tsena tse latelang:
 - mohlahlobuwa a bontshe kutlwisiso ya hae ya dipolotiki le moruo wa naha ya Afrika Borwa.
 - a bontshe kutlwisiso ya seabo sa ntate Mandela mokgatloung, boitelo ba hae, ho kwallwa ha hae Robben Island, ho fihlela e ba moporesidente wa pele wa motho e motsho.

- pherekano e qadile Mandela ha a fokodiswa ke bokudi, ha theolwa Mbeki, ha tswa boLekota, ha lelekwa boMalema.
- ka mora lefu ho hlakile ho se tshepane jk Zuma o ikahela qhobosheane ya hae Nkandla.
- a bontshe hore puso e ntse e na le balatedi ba bangata ba hapuweng ke ditshebeletso le botsitso ba moruo le ho hlompha boitelo ba ntate Mandela.
- Mohlahlobuwa a ka bua ka mekgatlo e meng e mengata ya dipolotiki le diphetoho tsa yona.

[50]

1.6 1.6.1 Setshwantsho. E ka ba moqoqo wa mofuta ofe kapa ofe.

- Moqoqong ona mohlahlobuwa o boha setshwantsho, mme a hlalose kapa a phete ka seo a se bonang ho dumella mmadi ho itemohela sehlooho se hlaloswang, kapa seo a phetang ka sona ka tsela e hlakileng.
- Mohlahlobuwa a ka ngola moqoqo ona a itshetlehile ka maikutlo a itseng, ho latela moelelo oo a o fumanang ka setshwantsho.
- Dikahare tsa moqoqo ona di itshetlehile ka mehopolo e qholotswang ke setshwantsho.
- Dikahare tse lebelletsweng hara tse ding e ka ba tsena tse latelang:
 - karate ke papadi e kwetlisetsang boitshirelletso.
 - naha e jele boyo, banana ba hloka ho itshirelletsa petong, ho kwetelweng, ho otlweng jj
 - mmele o kwetliswang o ba le masole a mmele a matla, o etsa kelello e tjatsi.

[50]

1.6.2 Setshwantsho. E ka ba moqoqo wa mofuta ofe kapa ofe.

- Moqoqong ona mohlahlobuwa o boha setshwantsho, mme a hlalose kapa a phete ka seo a se bonang ho dumella mmadi ho itemohela sehlooho se hlaloswang kapa seo a phetang ka sona ka tsela e hlakileng.
- Mohlahlobuwa a ka ngola moqoqo ona a itshetlehile ka maikutlo a itseng ho latela moelelo oo a o fumanang ka setshwantsho.
- Dikahare tse lebelletsweng hara tse ding e ka ba tsena:
 - bakganni ba bohlaswa ba baka dikotsi mebileng.
 - tahi le ho hloka mangolo a nepahetseng a ho kganna ke disosa tsa mafu.
 - ho se natse matshwao a tsela a hlokomedisang jk terene
 - bana ba dikolo e ba mahlatsipa.
 - a ka bua ka bohlaswa ba sebini Jub Jub Maarohanye le moqosuwa mmoho ba ho bolaya bana ka ho kganna ka lebelo le hodimo.

[50]

1.6.3 Setshwantsho. E ka ba moqoqo wa mofuta ofe kapa ofe.

- Moqoqong ona mohlahlobuwa o boha setshwantsho, mme a hlalose kapa a phete ka seo a se bonang ho dumella mmadi ho itemohela sehlooho se hlaloswang kapa seo a phetang ka sona ka tsela e hlakileng.
- Mohlahlobuwa a ka ngola moqoqo ona a itshetlehile ka maikutlo a itseng ho latela moelelo oo a o fumanang ka setshwantsho.
- Dikahare tsa moqoqo ona di itshetlehe ka mehopolo e qholotswang ke setshwantsho.
- Dikahare tse lebelletsweng e ka ba tse latelang:
 - bokowa ba Oscar Pistorious ha bo a mo sitisa ho ba naledi ya tsa mabelo.
 - tjhelete e ngata e tswala boikgantsho le bobodu.
 - lerato la Oscar le Reeva Steenkamp wa mabotle.
 - Oscar a bolaya kgarebe ya hae ka tsatsi la baratani.

[50]

RUBURIKI YA HO LEKANYETSA MOQOQQO – SESOTHo PUO YA LAPENG [MATSHWAO A 50]

Makgetha a ho lekanyetsa		Phihlello e babatsehang	Phihlello e supang bokgoni	Phihlello e mahareng	Phihlello ya motheo feela	Phihlello e haellang
DIKAHARE LE MORALO (Tshekatsheko ya seholoo) tlhophiso ya mehopolo le dintla, kelohloko ya baamohedi ba ditaba, maikemisetso le maemo	Boemo bo hodimo	28–30 - Nehelano e bontshang kutlwisiso e babatsehang ya seholoo e supang bokgoni bo ikgethang - Mehopolo e bontsha boqhetseke, e phepetsa monahano mme ke e sutsitseng; - e hlophistswe hantle ka tsela e ikgethang/babatsehang mme e momahane ka tshwanelo ho kenyeditswe selelekela, mmele le qetelo	22–24 - Nehelano e ralehileng hantle haholo; - Mehopolo e tsamaellana le seholoo ka bottalo,e a kgahlisa mme e na le bopaki ba mehopolo e sutsitseng; - e hlophistswe hantle haholo ka tsela e ikgethang mme e momahane ka tshwanelo ho kenyeditswe selelekela, mmele le qetelo	16–18 - Nehelano ke e kgotsofatsang dithokeho - Mehopolo e momahane ka tsela e kgotsofatsang le e kgodisang - e hlophistswe ka tsela e utlwisisehang mme e momahane ka tshwanelo ho kenyeditswe selelekela, mmele le qetelo	10–12 - Nehelano e momahane mona le mane - Mehopolo ke e seng ya boiqapeloo mme e sa hlakang - Ho na le bopaki bo seng bokae ba tlhophiso le momahano ya mosebetsi	4–6 - Nehelano e tswile lekoteng ho hang - Mehopolo ke e sa tsepamang e dubakaneng - Ha e utlwahale mme dintla di a phetakwa - Ha e a hlophiswa ka tshwanelo le momahano ha e yo
		25–27 - Nehelano e tswileng matsoho le ha e haellwa ke dintla tse ikgethang tsa moqoqo o babatsehang - Mehopolo ke e sutsitseng mme e bontsha boqhetseke; - e hlophistswe hantle ka tsela e bontshang bokgoni mme e momahane ka tshwanelo ho kenyeditswe selelekela, mmele le qetelo	19–21 Nehelano e radlweng hantle - Mehopolo ke e loketseng mme e thahassellang - e hlophistswe hantle ka tsela e ikgethang mme e momahane ka tshwanelo ho kenyeditswe selelekela, mmele le qetelo	13–15 - Nehelano e a kgotsofatsa le ha e sa hlaka mona le mane - Mehopolo ha e a momahana le ho kgodisa ka tsela e mahareng; - ho na le tlhophiso le momahano e itseng ho kenyeditswe selelekela,mmele le qetelo.	7–8 - Nehelano boholo e tswile lekoteng - Mehopolo ha e a momahana ka tshwanelo mme e a lahlhisa - Nehelano ha e na bopaki ba tlhophiso le momahano	0–3 - Boiteko ha bo yo ba ho arabela seholoo - Mehopolo e tswile lekoteng ka ho phethahala, ha e a nepahala - nelanalo ha e a tsepama seholohong, mme e dubakane
Makgetha a ho lekanyetsa		Phihlello e babatsehang	Phihlello e supang bokgoni	Phihlello e mahareng	Phihlello ya motheo feela	Phihlello e haellang
PUO,SETAELE LE TOKISO YA DIPHOSO Sehalo, rejisetara, setaele le,tlotlontswe di loketse sepho ka tsela e babatsehang,baamohedi ba ditaba mmoho le maemo; - tshebediso ya hae ya puo e a ikgetha, mme e bontsha boitshepo ka tsela e tsotehang - o sebedisitse sehalo se matla mme se susumetsang ka tsela e ikgethang - o batla o hloka diphoso tsa puo le tsa mopeleto - o radilwe ka bokgoni bo tsotehang	Boemo bo hodimo	14–15 - Sehalo,rejisetara, setaele le tlotlontswe di loketse sepho,baamohedi ba ditaba mmoho le maemo; - tshebediso ya puo ke e loketseng, mme e sebedisitse sehalo se loketseng ka nako tsohle; - boholo ba mosebetsi ha o na diphoso tsa tshebediso ya puo le mopeleto - o radilwe hantle ka tshwanelo	11–12 - Sehalo, rejisetara, setaele le tlotlontswe di loketse sepho,baamohedi ba ditaba mmoho le maemo; - tshebediso ya puo ke e loketseng, mme e fetisa moelego ka tshwanelo - puo ya bonono ke e loketseng mme e sebedisitse sehalo	8–9 - Sehalo, rejisetara, setaele le tlotlontswe di loketse sepho,baamohedi ba ditaba mmoho le maemo; - tshebediso ya puo ke e loketseng, mme e fetisa moelego ka tshwanelo - puo ya bonono ke e loketseng mme e sebedisitse sehalo - O radilwe ka tsela e mahareng feela	5–6 - Sehalo, rejisetara, setaele le tlotlontswe ha di a lokela sepho,baamohedi ba ditaba mmoho le maemo; - sehalo, rejisetara, setaele le tlotlontswe ha di a lokela baamohedi ba ditaba, sepho le maemo;	0–3 - Puo e sebedisitseweng ha se e utlwisisehang; - sehalo, rejisetara, setaele le tlotlontswe ha di a lokela baamohedi ba ditaba, sepho le maemo; - tshebediso ya tlotlontswe e haellang haholo hoo nelanalo e sa utlwisisehang
		13 - Tshebediso ya puo ke e nepahetseng mme e susumetsang sehalo sa tema - o batla o hloka diphoso tsa puo le tsa mopeleto - o radilwe ka bokgoni bo tsotehang	10 - Tshebediso ya puo ke e sefutho mme e loketseng maemo - sehalo ke se matla mme se loketseng - ho na le diphoso tse seng kae tsa puo le tsa mopeleto - o radilwe hantle	7 - Tshebediso ya puo ke e kgotsofatsang le ha ho na le ho sa tsamaelane mona le mane - kakaretso sehalo ke se loketseng le ha puo ya bonono e le e haellang	4 - Puo ke ya motheo feela mme e sebedisitse ka tsela e haellang - popeho ya dipolelo ke e tshwanang e se nang motswako - tlotlontswe e haella haholo feela	
SEBOPEHO Makgetha a tema: Popeho ya dipolelo le kgodiso ya diratswana le bolelele bo hlokeheng		5 - Kgodiso ya seholoo ke e babatsehang - katoloso ya dintla ke e ikgethang - dipolelo le diratswana di bopilwe ka tsela e ikgethang	4 - Dintla ke tse loketseng mme tse hodisang seholoo - momahano e bopilwe ke e supang bokgoni - dipolelo le diratswana di loketse nelanalo mme di fapafapanngwa ka tshwanelo	3 - Dintla tse loketseng di hodisa seholoo ka tsela e mahareng - dipolelo le diratswana di bopilwe ka tsela e mahareng - moqoqo o ntse o hlahisa moelego	2 - Tse ding tsa dintla ke tse utlwahalang - dipolelo le diratswana di na le diphoso - Moqoqo o a utlwisiseha le ha o le diphoso	0–1 - Dintla tsa boholoka di a haella - dipolelo le diratswana tse hlahisitseweng ke tse fosahetseng - moqoqo ha o na moelego o lebelletsweng
MARSHWAo A 5		40–50	30–39	20–29	10–19	0–9
MATSHWAo						

KAROLO YA A: MOQOQO

**MATSHWAO A SEBEDISWANG HO BONTSHA DIPHOSO HA HO TSHWAUWA MOQOQO
SENOTLOLO SA HO TSHWAYA:
SEKALA SA HO TSHWAYA MOQOQO
MATSHWAO: [50]**

Makgetha a Tekanyetso	Matshwao	Senotlolo / dikgutsufatso
Dikahare le Moralo Puo, Setaele le Tokiso ya diphoso Sebopeho	30 15 5	DM = PST = Seb =
Matshwao ohle	50	

Ditaelo ho motshwayi:

- Mohlahlobuwa o lokela ho ngola ka seholoho se le SENG feela karolong ya A.
- Karolo e nngwe le e nngwe e na le ruburiki ya yona.
- Sebedisa diruburiki tseo o di fuweng ho tshwaya tema e nngwe le e nngwe.
- Ha mohlahlobuwa a tswile lekoteng nehelanong etsa tsena tse latelang:
 - Mohlahlobuwa a abelwe matshwao bakeng sa dikahare ho ya ka kgato ya pele feela.
 - Mohlahlobuwa a abelwe matshwao a tshebediso ya puo ho fell a kgatong ya pele feela.
 - Mohlahlobuwa a abelwe matshwao a sebopeho ho fell a kgatong ya pele feela.

Tataiso bakeng sa ho tshwaya ditema

Batshwayi ba etse tse latelang ha ba tshwaya:

Ho sehellwe lenseswe kapa polelo e fosahetseng mola ho be ho bontshwe mofuta wa phoso ka hodima lenseswe / polelo ka tshebediso ya matshwao a latelang:

- **I** bakeng sa ho arola mantswe a ngotsweng a kopantswe empa a lokela ho arohana;
- **-,+** bakeng sa ho kopanya mantswe a arohantsweng empa a ngolwa a kopane;
- **Mn** bakeng sa mongolo (orthography) o fosahetseng;
- **Mp** bakeng sa mopeleto o fosahetseng;
- **Mt** bakeng sa tshebediso e fosahetseng ya matshwao a puo, kapa ho ngotswe letshwao moo le sa hlokeheng teng;
- **P** bakeng sa tshebediso ya puo ka tsela e fosahetseng / e sa amoheleheng kapa eo e seng ya setlwaedi;
- **^** bakeng sa lenseswe kapa karolwana ya lenseswe le/ e siilweng pakeng tsa mantswe a mang;

// bakeng sa ho qala seratswana se setjha / ho arola diratswana

KAROLO YA B: DITEMA TSA KGOKAHANO

POTSO YA 2

2.1 Lengolo le yang ho Mohlophisi wa koranta

- Aterese ya mongodi e qala bohareng ho ya letsohong le letona, lebitso la mongodi le fane di hlahella ka hodima aterese, mohla ha o kopane le aterese.
- Aterese ya Mohlophisi, tumediso le sehlooho sa ditaba di ngolwe qalong ya lehlakore le letshehadi, mme di arolwe ka ho tlola mola.
- Qetellong mongodi a ka ngola lebitso la boikgakanyo kapa la hae.
- Dikahare tse lebelletsweng di ka kenyelletsa tsena tse latelang:
 - melata/matswantle a butse dikgwebo tse ngata, athe a rekisa ka theko e tlase, dikgwebo tsa beng ba naha di kwetswe.
 - ba nyala banana ba mona ba batlang phepo le tjhelete
 - ba reka ditsha le metse tse hlokwang ke beng ba naha.
 - tsena tsohle di phephetsa lehloyo le tlhekefetso.
 - mohlalobuwa a fane le ka keletso lengolong la hae jk ho rata le ho amohela batho bohle.

[25]

2.2 Inthaviu e ngotsweng

- Inthaviu e nka sebopoho sa dipotso le dikarabo.
- Lebitso la sebui le ngolwe ka lehlakoreng le letshehadi le latelwe ke letshwao la kgutlopedi jk Thabo: kapa Ngaka:
- Selelekeleng mmotsi a fane ka thahisolededing e amanang le sepheo sa kopano.
- Dipotso di itshetlehe sehloohong, di tebe, mme di bue ditaba tse teletsana, le dikarabo e be tse tobileng.
- Sehalo e be se loketseng kopano ena:
 - ho ka hlahe dipotso ka dithuto tse lokisetsang lekala la bongaka
 - ka kgetho ya ho sebetsana le lefu le tshwaetsanang
 - ka tlhakisetso ya phekolo ya lefuba jj.

[25]

2.3 Tsa bophelo ba mofu (Obitjhuary)

- Ho lebellwa dintlha tse latelang:
 - mofu ke mang, ke wa ha mang, o tswalwa ke mang
 - tlhaho ya mofu; sebaka moo a hlahetseng teng, letsatsi la tswalo le selemo
 - tsa kgolo ya mofu; dithuto, mosebetsi, le lenyalo
 - tsa lefu la hae; letsatsi le mokgwa oo a hlokahetseng ka wona bao a ba siyang
 - seboko sa mofu.

[25]

2.4 Atikele ya makasine

- Sehlooho se be sekgutshwane, se hohele
- Tema e arolwa ka dikholomo, ditaba di ba le diratswana tsa selelekela, mmele le qetelo
- Ho sebediswa puo e balehang ha bonolo
- Mabitso a batho, dibaka, dinako le tlhahisoleseding di hlake
- Mongodi a hlahiswe hodimo ka mora sehlooho
- Atikele e lokela ho toba taba, e bue le mmadi
- Ho ka lebellwa dintlha tse kang:
 - ka mora 1994 ha pasiswa melao e kang ya bolokolohi ba tumelo
 - mongodi a ka dumellana le phediso ya thapelo ya sekreste molemong wa ditumelo tse ding
 - a ka hanyetsana le ho se rapele ho fedisitseng matswalo baithuting [25]

2.5 Puo e hlophisitsweng

- Pulo ya puo e be polelo kapa polediso ya bohlale, e matla e tla hohela bamamedi.
- E ka nna ya ba le motlae kapa qotso e tla hokahana le puo
- Mohlahlobuwa a hlophise le ho latellisa dintlha ka boqhetseke hore puo e phalle.
- A sebedise dipolelo tse kgutshwane mme a nne a tswake ka mehlala le dipolediso tsa bonono tse sa tlwaeleheng ho natefisa puo.
- Puo e be le phallo, qalo, mmele le qetello e mathemalodi.
- Mohlahlobuwa a kgothatse, a eletse ka mokgwa o kgolwehang. [25]

2.6 Lengolo la semmuso

- Aterese ya mongodi e tloha bohareng e ya letsohong le letona, ho tlolwe mola ho ngolwe mohla.
- Aterese ya Motsamaisi wa Risolet Cash & Carry ka letsohong le letshehadi, ha mmoho le tumediso le sehlooho tse arolwang ke mela e tlowlang.
- Ho ngolwe ditaba tsa ttlebo ka ho otloloha, ka puo e hlomphang.
- Lebitso la sehlahiswa, letsatsi la theko, letsatsi la ho fellwa ha sehlahiswa di hlahelle.
- Qetelo e be le lebitso le fane le mosaeno. [25]

**MATSHWAO OHLE A KAROLO YA B (25 x 2): 50
MATSHWAO OHLE: 100**

RUBURIKI YA HO LEKANYETSA TEMA YA KGOKAHANO – SESOTHO PUO YA LAPENG [MATSHWAO A 25]

Makgetha a ho lekanyetsa	Phihlelo e babatsehang	Phihlelo e supang bokgoni	Phihlelo e mahareng	Phihlelo ya motheo feela	Phihlelo e haellang
DIKAHARE, MORALO LE SEBOPEHO Tshekatsheko ya seholoho le mehopolo Tlhophiso ya mehopolo Kelohloko ya maikemisetso, baamohedi ba ditaba, le maemo MATSHWAO A 15	13–15 - Nehelano e babatsehang ya seholoho e supang bokgoni bo ikgethang. - Mehopolo e matla e butswitseng - Tsebo e batsi ya makgetha a mofuta ona wa tema - Nehelano ha e kgere e tsepame seholohong - Mehopolo le dikahare ke tse momahaneng, tse hhalositsweng ka botebo, mme dintlha di tshehetsa seholoho - Sebopaho ke se loketseng se nang le diphoso tse mmalwa	10–12 - Nehelano e ntle haholo e bontshang tsebo e ntle ya makgetha a mofuta ona wa tema - Nehelano ha e kgere e tsepame seholohong - Mehopolo le dikahare ke tse momahaneng, tse hhalositsweng ka botebo, mme dintlha di tshehetsa seholoho - Sebopaho ke se loketseng se nang le diphoso tse mmalwa	7–9 - Nehelano e lekaneng e bontshang tsebo ya makgetha a mofuta ona wa tema - Nehelano ha e a tsepame seholohong ka ho phethahala ho na le ho kgere ho itseng - Mehopolo le dikahare di na le momahano e amohelehang - Ke dintlha tse itseng feela tse tshehetsang seholoho - Ka kakaretso sebopaho ke se loketseng empa se nang le diphoso tse itseng	4–6 - Nehelano ya motheo e bontshang tsebo ya makgetha a itseng feala a mofuta ona wa tema - Nehelano e na le tsepamo e itseng feela seholohong empa e a kgere - Mehopolo le dikahare ha se ka mehla di momahaneng - Seholoho se tshehetswa ke dintlha tse itseng feela - Sebopaho se foofa feela, mme se na le bohlotsa bo boholo	0–3 - Nehelano e totobatsa kgaello ya tsebo ya makgetha a mofuta ona wa tema - moelelo o nyotobetswa ke ho kgere ho hoholo - Mehopolo le dikahare ha di na momahano - Ke dintlha tse mmalwa haholo tse tshehetsang seholoho - Ha ho na boiteko bo entsweng ho sebedisa sebopaho se nepahetseng
PUO, SETAELE LE HO HLAOLA DIPHOSO Sehalo, rejistara, setaele, le tlotlontswe di loketse ka ho fetisa maikemisetso, baamohedi ba ditaba le maemo. Tshebediso ya puo, tlwaelo ya tshebediso ya puo, kgetho ya manswe, matshwao a ho bala le mopeleto MATSHWO A 10	9–10 - Sehalo, rejistara, setaele, le tlotlontswe di loketse ka ho fetisa maikemisetso, baamohedi ba ditaba le maemo - Tshebediso ya puo e nepahetse e bile e bopehile hantle - Nehelano ha e na diphoso	7–8 - Sehalo, rejistara, setaele, le tlotlontswe di loketse ka ho fetisa maikemisetso, baamohedi ba ditaba le maemo - Ka kakaretso tshebediso ya puo ke e nepahetseng e bileng e bopehile hantle - Tshebediso ya tlotlontswe e ntle haholo - Nehelano boholo ha e na diphoso	5–6 - Sehalo, rejistara, setaele le tlotlontswe di loketse maikemisetso, baamohedi ba ditaba le maemo - Nehelano e na le diphoso tse itseng tsa tshebediso ya puo - Tshebediso ya tlotlontswe ke e lekaneng - Diphoso ha se tse nyotobetsang moelelo	3–4 - Sehalo, rejistara, setaele le tlotlontswe ha di a lokela maikemisetso, baamohedi ba ditaba le maemo hantle - Tshebediso ya puo e fosahetse e bile e tletse diphoso tse ngata - Tshebediso e seng kae ya tlotlontswe - Moelelo o nyotobetse	0–2 - Sehalo, rejistara, setaele le tlotlontswe ha di dumellane le maikemisetso, baamohedi ba ditaba le maemo - Nehelano e tletse diphoso e dubakane - Tlotlontswe ha e dumellane le maemo - Moelelo o nyotobetse haholo
MATSHWAO	20–25	15–19	10–14	5–9	0–4

KAROLA YA B: DITEMA TSA KGOKAHANO TSE TELELE

SENOTLOLO SA HO TSHWAYA:

SEKALA SA HO TSHWAYA DITEMA TSA KGOKAHANO

MATSHWAO: {25}

Makgetha a Tekanyetso	Matshwao	Senotlolo
Dikahare le Moralo ke Sebopheho Puo, Setaele le Tokiso ya diphoso	15 10	DMS = PST =
Matshwao ohle	25	

Ditaelo ho motshwayi:

- Mohlahlobuwa o lokela ho ngola ka dihlooho tse PEDI karolong ena.
- Karolo e nngwe le e nngwe e na le ruburiki ya yona.
- Sebedisa diruburiki tseo o di fuweng ho tshwaya tema e nngwe le e nngwe.
- Ha mohlahlobuwa a tswile lekoteng nehelanong etsa tsena tse latelang:
 - Mohlahlobuwa a abelwe matshwao bakeng sa dikahare ho ya ka kgato ya pele feela.
 - Mohlahlobuwa a abelwe matshwao a tshebediso ya puo ho fell a kqatong ya pele feela.
 - Mohlahlobuwa a abelwe matshwao a sebopheho ho fell a kqatong ya pele feela.

Tataiso bakeng sa ho tshwaya ditema

Batshwayi ba etse tse latelang ha ba tshwaya:

Ho sehellwe lenseswe kapa polelo e fosahetseng mola ho be ho bontshwe mofuta wa phoso ka thoko ka tshebediso ya matshwao a latelang:

- / bakeng sa ho arola mantswe a ngotseng a kopantswe empa a lokela ho arolwa;
 - -,+ bakeng sa ho kopanya mantswe a arotsweng empa a ngolwa a kopane;
 - Mn bakeng sa mongolo (Orthography) o fosahetseng;
 - Mp bakeng sa mopeleto o fosahetseng;
 - Mt bakeng sa tshebediso e fosahetseng ya matshwao a puo, kapa ho ngotswe letshwao moo le sa hlokeheng teng;
 - P bakeng sa tshebediso ya puo ka tsela e fosahetseng / e sa amoheleheng kapa eo e seng ya setlwaedi;
 - ^ bakeng sa lenseswe kapa karolwana ya lenseswe le / e siilweng pakeng tsa mantswe a mang.
- // bakeng sa ho qala seratswana se setjha.